

**YURIDIK AHAMIYATGA EGA HUJJATLARNING QONUN
HUJJATLARIGA MUVOFIQLIGI TO'G'RISIDA
HUQUQIY XULOSA
№-94**

1. Loyihaning turi : Shartnoma

2. Loyihaning nomi

Bekobod davlat o'rmon xo'jaligi "mahsulot yetkazib beruvchi" va Toshkent davlat o'rmon xo'jaligi "Sotib oluvchi" o'rtasida mahsulot yetkazib berish to'g'risidagi shartnoma .

3. Loyiha ishlab chiquvchisi va kiritilgan sana haqidagi ma'lumot:
Shartnoma loyihasi Toshkent davlat o'rmon xo'jaligi tomonidan 2022 yil 31 yanvar kuni ishlab chiqilgan va dasturga kiritilgan.

Loyihani rasmiylashtirishda, O'zbekiston Respublikasining Fuqarolik kodeksi 364,366-moddalari, shuningdek, O'zbekiston Respublikasining 29.08.1998-yildagi "Xo'jalik yurituvchi subyektlar faoliyatining shartnomaviy huquqiy bazasi to'g'risida"gi 670-I-son Qonunining 10-moddasi talablariga rioya qilingan, yetkazib beriladigan mahsulot (Qayrag'och, Kashtan, Eman, Yong'oq) miqdori, narxi 37 200 000 (o'ttiz yetti million ikki yuz ming) so'm, hisob-kitoblar, tomonlarning javobgarligi, nizolarni hal etish tartiblari qayd etilgan.

Loyiha amaldagi qonun hujjatlariga muvofiq ishlab chiqilgan va uni tuzish maqsadga muvofiq.

Markaz bosh yuriskonsulti



J.Mavlonov

МАҲСУЛОТ ЕТКАЗИБ БЕРИШ ШАРТНОМАСИ № 1/04

2022 йил " 7 " февраль

Бекобод тумани.

Кейинги ўринларда "Товар етказиб берувчи-сотувчи" деб аталадиган Бекобод давлат ўрмон хўжалигининг раҳбари Ф.Одилов бир томондан, кейинги ўринларда "Сотиб олувчи" деб аталадиган Тошкент давлат ўрмон хўжалиги номидан раҳбар М.Позиллов иккинчи томондан куйидагилар тўғрисида ушбу шартномани туздилар:

I. Шартнома предмети.

1.1. Шартномада товар деб номланувчи Тошкент давлат ўрмон хўжалиги томонидан ишлаб чиқарилган кучатлар иккала тараф ўртасида тузилаётган шартноманинг предмети ҳисобланади.

1.2. ШАРТНОМАНИНГ СПЕЦИФИКАЦИЯСИ

№	Товарнинг номи	Улчов бирлиги	Микдори	Бирлик баҳоси	Суммаси
1	Туя (шарк)	дона	7440	5000	37200000
	ЖАМИ:		7440		37 200 000

Шартноманинг умумий қиймати Уттиз етти миллион икки юз минг сумми ташкил қилади. ККС сиз.

1.3. Шартнома икки нусхада тузилган бўлиб, ва ҳар бири бир хил кучга эга. Шартноманинг амал қилиш муддати 31 декабр 2022 йилгача қилиб белгиланди.

II. Товарларни етказиб бериш тартиби

2.1. Шартнома бўйича товарларни етказиб бериш Сотиб олувчининг транспортида амалга оширилади.

2.2. Сотиб олувчи етказиб бериш муддати ўтказиб юборилган товарларни қабул қилишни рад этишга ҳақли эмас.

2.3. Сотиб олувчи шартномага мувофиқ етказиб берилган товарларнинг қабул қилинишини таъминлайдиган барча зарур ҳаракатларни амалга ошириши лозим.

Сотиб олувчи сотиб олган товарларни товарлар етказиб берилганидан кейин дарҳол кўздан кечириши, агарда етказиб бериш билан боғлиқ камчиликлар аниқланган тақдирда, товар етказиб берувчи-сотувчини зудлик билан ёзма равишда хабардор қилиши лозим.

III. Шартнома тарафларининг ҳуқуқ ва мажбуриятлари

3.1. *Сотувчининг ҳуқуқлари:*

- сотилган товар ҳақини тўлашни;
- товарни ўз вақтида қабул қилиб олишни;
- шартнома шартларига тўлиқ риоя этишни;
- сотиб олувчи томонидан ўзига етказилган зарарларнинг қопланишини талаб қилиш.

Сотиб олувчи қонун ҳужжатларида белгиланган асосларсиз маҳсулот етказиб берувчи-сотувчидан товарни қабул қилиб олмаган ёки товарни рад этган ҳолларда маҳсулот етказиб берувчи-сотувчи сотиб олувчидан товар ҳақини тўлашни талаб қилишга ҳақли.

3.2. *Сотувчининг мажбуриятлари:*

- товарни сотиб олувчига мулк қилиб топшириш;
- шартномада назарда тутилган товарни топшириш;
- шартномада кўрсатилган микдордаги товарни топшириш;
- шартномада кўрсатилган сифатдаги товарни топшириш;

- учинчи шахсларнинг ҳар қандай ҳуқуқларидан ҳоли бўлган товарни топшириш;
- товарни сотиб олувчига топширгунга қадар сақлаш.

3.3. *Сотиб олувчининг ҳуқуқлари:*

- сотиб олаётган товарни ўзига мулк қилиб топширишни;
- шартномада кўрсатилган миқдордаги товарни топширишни;
- шартномада кўрсатилган сифатдаги товарни топширишни;
- учинчи шахсларнинг ҳуқуқларидан ҳоли бўлган товарни топширишни талаб қилиш.

3.4. *Сотиб олувчининг мажбуриятлари:*

- сотиб олган товар ҳақини 30 % ни олдиндан тўлаб бериши керак ва қолган 70 % тўловни тегишли с/чет фактурага асосан тўлайди;
- товарни ўз вақтида қабул қилиб олиш;
- шартнома шартларига тўлиқ риоя этиш;
- сотувчига етказилган зарарни қоплаш.

Сотиб олувчи шартноманинг товарлар миқдори, сифати тўғрисидаги шартлари бузилганлиги ҳақида сотувчига ўн кун муддат ичида маълум қилиши шарт.

III. Шартнома бўйича жавобгарлик

4.1. Агар сотиб олувчига унинг талабига кўра сотиш жойида дарҳол товар тўғрисидаги ахборотни олиш имкони берилмаган ёхуд унинг товарни кўздан кечирish, товарнинг хоссаларини текшириш ёки товардан фойдаланишни кўрсатишни талаб қилиш ҳуқуқи таъминланмаган бўлса, у чакана олди-сотди шартномасини тузишдан асоссиз бош тортилгани туфайли ўзи кўрган зарарни тўлашни сотувчидан талаб қилишга, агар шартнома тузилган бўлса, оқилона муддатда шартномани бажаришдан бош тортинишга, товар учун тўланган суммани қайтаришни ва зарарни қоплашни талаб қилишга ҳақли.

Сотиб олувчига товар тўғрисида тегишли ахборот олиш имконини бермаган сотувчи товар сотиб олувчига топширилганидан сўнг товарда пайдо бўлган камчиликлар учун ҳам, агар сотиб олувчи бу камчиликлар ўзида бундай ахборот бўлмагани сабабли пайдо бўлганини неботласа, жавобгар бўлади.

4.2. Ўзбекистон Республикаси Фуқаролик Кодексининг 434-моддасига кўра сотиб олувчига сифати тегишли даражада бўлмаган товар сотилганида, агар унинг камчиликлари шартнома тузиш пайтида маълум қилинмаган бўлса, сотиб олувчи ўз хоҳишига кўра:

товарнинг камчиликларини текинга бартараф этишни ёки сотиб олувчи ёхуд учинчи шахс томонидан товарнинг камчиликларини бартараф этиш учун қилинган харажатлар қоплашини;

кўрилган зарар ўрнини қоплаган ҳолда шартнома бекор қилинишини талаб қилиш ҳуқуқига эга.

Товар учун тўланган пул суммасини сотиб олувчига қайтариш вақтида сотувчи ундан товардан тўлиқ ёки қисман фойдаланганлиги, товар кўриниши йўқолганлиги ёки бошқа шунга ўхшаш ҳолатлар туфайли товар қиймати қанча пасайган бўлса, шунча суммани ушлаб қолишга ҳақли эмас.

4.3. Сотувчи шартнома бўйича мажбуриятни бажармаган тақдирда, зарарни қоплаш ва неустойка тўлаш сотувчининг мажбуриятини асл ҳолида бажаришдан озод қилмайди.

4.4. Агарда сотиб олувчи шартноманинг товарлар миқдори, сифати, идиши ва ўралиши тўғрисидаги шартлари бузилганлиги ҳақида сотувчига ўн кун муддат ичида маълум қилмаса, сотувчи шартлар бузилганлиги натижасида келиб чиқадиган оқибатлар учун жавобгар бўлмайди.

4.5. Товарларни тўлиқ етказиб бермаганлик ёки етказиб бериш муддатларини кечиктириб юборганлик учун неустойка пеня шаклида ундирилади. Бунда пенянинг миқдори ҳар бир етказиб берилмаган ёки етказиб бериш муддатлари бузилган товарлар умумий

суммасининг 1(бир) % (фоизи) миқдорда мажбурият амалда бажарилгунига қадар ундирилади.

4.6. Шартномани бажаришдан бир томонлама (тўлиқм ёки қисман) бош тортишга тарафлардан бири шартномани жиддий бузган тақдирда йўл қўйилади.

Шартномани бузиш қуйидаги ҳолларда жиддий деб топилади:

- тегишли даражада сифатли бўлмаган, сотиб олувчи учун мақбул муддатда бартараф қилиб бўлмайдиган камчиликларга эга бўлган товарларни етказиб бериш;

4.7. Агар маҳсулот етказиб бериш шартномасини бекор қилиш ёки ўзгартиришнинг бошқа муддати билдириш хатида назарда тутилмаган бўлса, шартнома бир тараф бошқа тарафдан шартномани бажаришдан тўла ёки қисман бир тарафлама бош тортиш тўғрисида билдириш хати олган пайтдан бошлаб ўзгартирилган ёки бекор қилинган ҳисобланади.

IV. Форс-мажор ҳолатлар

5.1. Маҳсулот етказиб берувчи-сотувчи форс-мажор ҳолатлар (мажбуриятларни лозим даражада бажариш учун тўсқинлик қилувчи енгиб бўлмас куч таъсири; товар етказилаётган пайтда содир бўлган тасодифий шикастланиш, сотиб олувчи эғалигида сув тегини натижасида товарнинг ёмон ҳолатга келиши ва бошқа ҳолатлар) натижасида юзага келадиган охибатлар учун жавобгар бўлмайди.

Тарафларнинг реқвизитлари

СОТУВЧИ: Бекобод давлат ўрмон
хўжалиги

Манзил: Бекобод тумани Бунёдкор МФЙ-4
Молия вазирлиги газначилиги
х/р: 234 020 003 001 000 010 10
Банк: ХККМ МБ бош бошқар. Тошкент ш.
МФО:00014; ИНН:201122919;
х/р:400 121 860 272 207 042 203 142 001
ИНН:200556283; ОКЕД:31100

СОТИБ ОЛУВЧИ: Тошкентдавлат ўрмон
хўжалиги

Манзил.Тошкент вилояти Пискент
тумани А. Темур 57 уй
Молия Вазирлиги Газначилиги
Банк:ХККМ МБ Бош бошқар. Тошкент ш.
МФО: 00014 СТИР: 201122919.
ШХР:400121860272507042203142001
СТИР: 200663214 ОКЕД: 02100

Рахбари: М.Позилов

